

**V**NDE nomen hęc prouincia traxerit, haud obscurū fuerit vel illi qui præter eius picturam viderit nihil , quippe cùm falo cingatur vnde quaque. Huius autem Zelandiæ cùm insulæ sint complures suis quæque nominibus insignitæ, easq; vix possibile sit separatim describere, eō quod varijs inundationibus obnoxię vi tempestatum , cùm locum tum formam, atque ipsos sæpe incolas mutant: eo quo commodissimè fieri poterit ordine describemus. Præcipue huius regionis insulæ sunt seprem , reliquias firmiores magisq; cultæ , quarum si prius incolas considerauimus , eas deinde persequemur. Erat hęc terra Cæsar is ætate nil aliud quam Batauiæ appendix, inculta , nec vnquam ad serendi vsum vomere proscissa , aut fossione subacta , sed æstuarijs ac paludibus impedita. Huius terræ primos incolas Olaus Gotthus & alij plures tradūt Cymbros fuisse: quare sic de ipsorum origine differit Leuinus Lemnius: Constanſ fama est , atque indigenis per manus tradit, à Gotthis & Danis hanc gentem profluxisse , præser-tim ab il' a insula Cymbra, quæ in Dania Zelandiæ nomine inscripta est. Hi antiqui-tus Mattiaci d:ti sunt , ex vulgata alloquendi consuetudine ac compellatione qua populares atque indigenæ inter se vni sunt. Maet enim ipsorum ( sicut hodie & Batauorum , Frisiorum ac plerumq; Germanorum maritimorum lingua ) consilij, labo-ris itinerisque socium aut comitem sonat. Atque hoc etiam eos nomine Tacitus ap-pellat, cum inquit: Mattiacorum gens Batauis similes, nisi quod ipsi terræ suæ solo a-crius animantur . Eius populi hodie inquilini ac indigenæ robusti , statura corporis liberali, feroceſ viribus, ingenio, solertia, versutijs, calliditate, fallacijs, captionibus, negotiandi peritia ac conquirendi industria ipsis etiā Batauis superiores. Maior verò pars rei nauticæ ac pictionibus dediti, qui ea sunt morum ac vitæ integritate, vt nū quam inter illos vllæ contentiones, iurgia, simultates, dissidia exoriantur , nec magi-stratus vnquam ( nisi in vrgentissimis causis) se horum cōtrouersijs interponit. In re domeſtica ac familiari omnia elegantia, nitida, exposita mensa frugalis, nec vnquam prodigaliter sumptuosa. In mercatura exercenda nemo non ciuium solers atque in-dustrius, lucri auidus, ad rem attentus. in tenuiores tamen atque inquilinos inopis preſſos, liberalis ac beneficus. in cæteros hospitalis, comis, candidus. Nauticæ rei hi-vix quisquam magis peritus. Cùm autem tam numerosa multitudo piscatuſe exer-ceat, ac paulo longius in Oceanum progressa, victum in mari venetur: si quando par-cè ac maligne pescari contingat, nullus vnquam horum se vexat aut excruciat , nec cuiquam male precatur, sed omnia placide perfert, meliorum spe atque fiducia. Re-gionis huius insulas Orientales ab Occidentalibus discriminat Scaldis flu. Orienta-les insulæ præcipue quidem tres sunt: Tola seu Tolera, à vesticigli seu portorijs no-men sortita , quem indigenę Tol nominant: hęc Brabantia contermina, exiguo tan-tum freto discreta est. Huic coniunctus est agger Martianus, vulgo, Martini dicitur lo-cus amoenus atque arboribus vndique consitus; in quibus maxima alitum , præsertim ardearum copia nidulatur. Huic ad Circum obuersa est altera cui Duuelandiæ no-men est, à columbarum frequentia. Hęc nullum habet oppidum in omnibus circuitum. pagos autem & nobilium domos aliquot complectitur. Huic rursum ad Fauonios ad-vertitur Scaldia seu Schôwen insula, nomine sumpto à Scaldi flu. quo parte sua Au-strina alluitur, cuiuscq; ibidem catarrhaæ sunt quibus Oceano miscetur. habet hęc in circuitu miliaria septem, olim multo maior extitit, at hodie maris saevitia diminu-ta, ciuitates duas continet, Bravvershauiam in Septentrionali, & Ziriczæam in Au-

strati



stralii insulæ parte positam. Occidentalium insularum prima atq; omniū maxima est  
Suitbeuelandia, ab hac aulsa est ciuitas non ignobilis Romersvallia, quā nullis ex-  
cultam agris, nullis exornatam pomerijs Oceanus vndique alluit, ita ut vnicā Salis ne-  
gotiatione subsistat alterum huius insulæ oppidum Borsele eadem tempestate peni-  
tus oppressum, anno scilicet 1532. Huic in Boream Nortbeuelandia apponitur, cuius  
oppidum est Cortkeene. hæc pro delicis totius Zelandiæ habebatur, sed eodem an-  
no insula integra ita mari absorpta est, ut eius præter turres nonnullas quæ ex vndis  
prominent, nulla sint reliqua vestigia. Inter vtranque iacet Wolffersdijck / duos sal-  
tem pagos habens. VValchria autem ab Occasu æquinoctiali Britanniae obuersa est,  
in quam breuissimus est trajectus, & à qua parte primus in Oceanum ingressus quo-  
cunque terrarum dirigi potest. vrbes continet tres, Vlissingam, Metelliburgum &  
Campseram, quam der Veer indigenæ vocant. De aeris autem Zelandici clementia  
haud multa polliceri ausim ( inquit Lemnius ) ut qui in nonnullis partibus sit paulo  
asperior, & quam vicinarum gentium, minus salubris, præsertim æstate, ob paludum  
& stagnorum graues halitus, & quod regio arboribus minus sit consita. Hoc tamen ha-  
bet commodi. quod contagioni ac pestiferis morbis minus sit obnoxius, ac serius in-  
ficiatur; at infectus immaniter in corpora hominum grassatur. Sal candidissimum  
ciuium industria conficitur. Terra adeo fœcunda, ut bina iugera Zelandica

plus emolumenti cultori afferant quam quatuor Brabantia.

Prata ac pascua habet lætissima, pecora fœcundissi-

ma. Ferinas autem vix alias præter

cuniculos habet.

